



GARI GARAIALDE

EAEko 300 lagun erietxeetan daude, gripeak jota.

Bi edo hiru astetan jarraituko du aurtengo gripe agerraldiak

Zenbait erietxetan ohe gehiago jarri behar izan dituzte

Erredakzioa / Donostia

Aurtengo gripe agerraldiak bizpahiru aste gehiago iraungo duela adierazi zuen atzo Iñaki Azkuna EAEko Osasun sailburuak. Gripearen ondorioz, Gipuzkoa eta Bizkaiko

hainbat ospitale gainezka daudenez, «egoera deserosoak» sor daitezkeela iragarri zuen. Osasun sailburuak Zumarragako Antiguako Ama Ospitaleko berrikuntzak ikusten ziharduela egin zituen adierazpen horiek.

GRIPE AGERRALDIAK Gipuzkoa eta Bizkaian izan du, batez ere, eraginik handiena aurtan. Bizpahiru aste gehiago iraungo duela adierazi zuen atzo Iñaki Azkuna EAEko Osasun sailburuak. Gaixo kopurua handia denez, ospitaleetako gela batzuetan ohe gehiago jarri behar izan dituzte, Donostia eta Bilbon batez ere.

EAEko ospitaleetan 300 lagun daude gripearekin. Erietxeotan sor daitezkeen «egoera deserosoak» direla eta, «elkartasuna» eskatu zien Osasun sailburuak gainerako gaixoei. Osakidetzako beharginei «ahalegin berezia» egiteko eskatu zien, erietxe batzuetan aldi baterako langile gehiago kontratatu badi-tuzte ere.

Aurretiaz zaintzeko modurik egokiena txertoa hartzea da, Azkuna sailburuaren iritziz. Gripea hartzeko arrisku handiena duten gizon-ema-kumeetatik %54k hartu dute aurtan txertoa EAEn. Iaz %50k hartu zuten. Txertoa %80k har dezaten nahi dute Osasun Saileko arduradunek. «Merezi du, eta gaixotasunaren sintomak arindu

egiten ditu», sailburuaren esanetan.

Horrekin batera, gripearen sintomak ohikoak direla gogoratu zuen. Zenbait

kasutan, gorakoa edo behe-rakoa izan daiteke, baina adi ibiltzea komeni da, sasoi honetan beste gaitz batzuk ere agertu ohi direlako.

Kirofano berria Zumarragan

ZUMARRAGAKO Antiguako Ama ospitaleko berrikuntzak ikusten jardun zuen Azkunak atzo. Kirofano berriarekin 4.000 ebakuntza egin ahal izango dira urtero, orain arte baino 500 gehiago. Gaine-

ra, Anestesia-alditik suspertzeko unitatea handitu dute. Lanotan 120 milioi pezeta inbertitu dituzte. Birmoldaketa honen bidez, gainera, 130 metro koadroko sail bat eguneko ospitale bilakatu dute.

handik eta hemendik

DONOSTIA • Udal arduradunek oso balorazio ona egin dute San Sebastian egunaz

«Hiritar guztiei esker, azken urteotan izandako San Sebastian egunik onena bizi izan dugu», adierazi zuen Jose Ruiz Kultur eta Turismo Ekintzetxeko zinegotziak atzo. Danborrada guztietako ordezkariak elkarrekin jotzea arrakastatsua izan dela uste du Ruizek: partehartzaile guztien oniritzia badu, hurrengo urteetan errepikatu egingo dute. Aitor Zabale-tari eginiko omenaldiaz zera esan zuen: «Bukaerarik onena izan zen». x

IRUN • Arazoak dituzten gazteentzako zentroa irekiko dute

Irungo Azpilikueta base-rria erostea erabaki du Gipuzkoako Aldundiak. Bertan, gizartean zein familia giroan egokitzeko arazoak dituzten gazteentzako egoitza jarriko dute. Guztira 45 milioi pezeta gastatuko ditu Foru Aldundiak. Baserria 400 metro koadrokoa da, eta bertan 15 gazteri emango diete aterpea. x

TUTERA • Bide sistemaren laugarren fasea ireki dute

Tuterako bide sistema orokorraren laugarren fasearen inaugurazio ekitaldia izan zen atzo eguerdian. Herriko agintari politiko eta ordezkariak batera Jose Ignacio Palacios Nafarroako Gobernuako Herri-rilan eta Komunikazio kontseilaria bertan izan zen. Ekitaldiaren aurretik Tuterako alkate Luis Campoyrekin bildu zen kontseilaria Foru Gobernuak eta Tuterako Udalak bertako herrilanak finantzatzeko iaz hitzarmena aztertze-ko. x

Balmasedak ekitaldi ugari antolatu ditu bere 800. urtemugan

■ *Bihar hiriaren sorrera antzeztuko dute ia 400 balmasedarrek*

Gorane Agirre / Bilbo

BALMASEDAKO udalerriak ekitaldi ugari antolatu ditu, asteburu honetan ospatzen du eta bere 800. urtemuga. Esate baterako, bihar goizean hiriaren sorrera antzeztuko dute ekitaldi berezi batean. Antzezlanean ia 400 herritarrek hartuko dute parte, pertsonaia historikoak ordezkatzuz.

Dena den, ekitaldia egin aurretik, Balmaseda Italiako San Severino Marche herriarekin senidetuko da. Herri horrekin senidetzearen arrazoi da bi herriek zaindari bera daukatela: San Severino.

Etzi, bestalde, udalerriaren sorreraren 800. urteurrena ospatuko dute hainbat ekitaldi eginez: Bilboko gotzainak eskainiko duen meza abes-tua, udal agintari eta pertsonalitateen prozesio zibikoa eta Bilboko Abesbatzaren kontzertua.

Era berean, 800. urteurrena dela eta, Balmasedako Udalak hainbat ekimen antolatuko ditu hilabete honetan. Batetik, Enkarterrietako herriari buruzko gida bat, komiki bat eta bideo bat kaleratuko ditu. Bestetik, eskuorri turistiko bat plaza-ratu du turismo ferietan banatzeko.

Eta, azkenik, udalak hainbat akordio lortu ditu erakunde ezberdinekin. Akordio horiek direla medio, uztail-eko Espainiako posta zigiluetan Balmasedako herriaren irudi bat kaleratuko dute. Asteburu honetako Espainiako loteriatan txarteletan Balmasedako zubiaren irudia azaltzen da. Eta, azkenik, ONCE erakundeko astebete-ko zozketa txarteletan ere herri horren paisaia bat agertuko da.